

**Uunga siunnersuut: Kalaallit Nunaanni Naatsorsueqqissaartarfik pillugu Inatsisartut inatsisaata allanngortinnera pillugu Inatsisartut inatsisaat**

**Saqqummiussissut**

(Aningaasaqarnermut Aatsitassanullu Naalakkersuisoq)

**Siullermeerneqarnera**

Kalaallit Nunaanni Naatsorsueqqissaartarfik pillugu Inatsisartut inatsisaata allanngortinnissaa pillugu siunnersuummik Naalakkersuisut sinnerlugit saqqummiussissaanga.

Kalaallit Nunaanni Naatsorsueqqissaartarfiup, ilisimatuutut misissuinermi imaluunniit inatsisiliornermi sulinermi atugassanik inunnut ataasiakkaanut suliffeqarfinnullu paasissutissanik ingerlatitseqqissinnaanerannut inatsimmut siunnersuummi nassuiarneqarpoq.

Taamatutaaq siunnersuutigineqarpoq, Kalaallit Nunaanni Naatsorsueqqissaartarfik siunertanut paasissutissanik taamungaannaq tigooqqaalluni misiliisinnaasoq. Aammalu pisimasuni takuneqareersimavoq napparsimaveqarfiit Kalaallit Nunaanni Naatsorsueqqissaartarfimmut innuttaasut inunngorneranik toquneranilluunniit nalunaarutigineqarnerinik paasissutissanik aalajangiinissaminnut pisarialimmik ikioqqusariaqartarsimasut. Siunnersuutigineqarpoq Kalaallit Nunaanni Naatsorsueqqissaartarfiup ikiorsiissutinik taamaattunik tunisisinnaaginnarnissaa.

Naggataatigut siunnersuutigineqarpoq Kalaallit Nunaanni Naatsorsueqqissaartarfiup siulersuisui, paasissutissanik ingerlatitseqqinnermut maleruagassanik erseqqinnerusunik aalajangersaassasut. Kalaallit Nunaanni Naatsorsueqqissaartarfiup qaqugukkut paasissutissanik ilisimatuutut misissuinermi imaluunniit inatsisiliornermi atugassanik ingerlatitseqqinnissamut qinnuteqaatinik akuerinnissannginnersoq siulersuisut ilaatigut erseqqissassavaat.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.